


شاهد نص تسريب لقاء جمال عبد الناصر والقذافي: "اللي عاوز يحارب إسرائيل يجي يحارب"..وهذا ما يريده السيسي!!



الاثنين 28 أبريل 2025 02:30 م

أثارت محادثة صوتية منسوبة للرئيس جمال عبد الناصر مع الزعيم الليبي الراحل معمر القذافي تم تداولها على وسائل التواصل الاجتماعي جدلا واسعا حول الدور المخفي لمحاربة القضية الفلسطينية، لزعماء ورؤساء وملوك العرب وتضمن المحادثة الصوتية التي يعود تاريخها إلى 4 أغسطس 1970، الدور الانبطاحي لعبد الناصر هو والحكومات العربية والمنظمة الفلسطينية بسبب "مزائدها" الوهمية في العلن على القضية الفلسطينية وظهور دور انبطاحي لعبد الناصر صاحب الخطب العنترية الذي فضل الحل السلمي بدلا من الحرب الشاملة ضد إسرائيل

وهنا نص المحادثة التي جمعت بين الرئيس المصري جمال عبد الناصر والزعيم الليبي معمر القذافي في 3 أغسطس 1970

جمال عبد الناصر: اذا كان حد عايز يكافح ما يكافح .. واذا كان حد عايز يناضل .. ما يناضل .. لكن النهارده بيقولوا يا فلسطين كلها من النهر الى البحر .. يا مش كلها

معنى والله الكلام اللي بيقولوه العراقيين النهارده ان احنا بندي الضفة الغربية والقدس وغزه لليهود .. وفي خلال سنة او سنتين .. كل المناطق دي بتتهدد ولا يرجعوا

اقرا كلام مناحم بيجن النهارده طالع بيهاجم .. خطبتهم امبارح .. ان ده تنازل عن ارض اسرائيل واذا قبلت الحكومه باي انسحاب معناها خيانه و و و معركة في داخل اسرائيل

بعدين امريكا بتساند اسرائيل بفلوسها وباسلحتها .. هيجرو ازاى؟

وبعدين كيف سيجر العراق (فلسطين) وميزانيته 70 مليون جنيه .. بتاع القوات المسلحة .. مش ممكن!

اسرائيل مشتريه السنة اللي فاتت أسلحة ب 400 مليون جنيه .. اللي اعلن (من المشتريات) في يوم واحد

الحقيقة .. يعني كان كان يكون اسهل لي يا أخ معمر وا .. يعني اوعى تفتكر ان انا مثلا قبلت هذا القرار لمكسب شخص .. انا عارف ما هو ده ممكن الفدائيين يجوا يقتلونني يعني حد من الفلسطينيين في هذا الموضوع يقول لك .. هذا العملية حقيقة لانهم بيقول عبد الناصر خان وسلم في قضية فلسطين ومش فاهم ايه .. ممكن ناس حتى مصريين يقبلوا هذا الكلام ويحصل .. وانا عارف انا بعمل ايه .. بس ايه يعني انا مقتنع في الكلام اللي انت قلتوا

والعراقيين ممكن يحرضوا ناس يقول لهم عبد الناصر خان القضية وسلم في فلسطين واعترف بوجود اسرائيل وبتاع زي الكلام اللي قاله لكم حردان قطعنا حردان جا عندكم وقال هذا الكلام كله هيقولوا للناس قده 100 مره .. وممكن يطلع عن هذا واحد بيطلع ... بيعتبر عبد الناصر انه خان زي 54 ك زي ما قالوا في أنني في اتفاقية الجلاء مع الانجليز ان انا خنت لان اديتهم حق بالاحتفاظ بقاعدة سبع سنين ... وطلع واحد ضربني بالرصاص

ويوميها وقف محمد نجيب ضد الاتفاقية و ناس ضد الاتفاقية وفي سياسيين وقفوا ضد الاتفاقية .. بس العملية نظام الانجليز ماشيين من البلد .. هنا بقى الموضوع الشخصي ما يهم ايدا .. الحقيقة يعني لو الموضوع مكسب شخصي .. سهل قوي كنت اعمل زي العراقيين

اليهود في سيناء ما هيقدروا ياخذوا منها شيء .. الضفة الغربية .. يعني في اكثر من مليون موجود في الضفة الغربية .. بينتهوا .. يعني والارض العربية اللي هي موجوده في القدس وطولكرم والخليل ونابلس وبيت لحم وكل الكلام ده .. كل ده بيروح .. وكلام الاسرائيليين .. انا بقرا تصريحات الاسرائيليين .. عايزين الارض هم دي بيعتبروها وطنهم .. مش ارض محتلة .. ووقف وايزمن وقال ما نقدر نقول دي ارض محتلة دي ارضنا .. وان اللي بيقولوا ارض محتلة دول كذا دول كذا وكذا ... طيب بنقول بقى هنحرر .. هيحصل زي 48 لا هنحرر ولا هنعمل .. متاسف يعني بقول هذا الكلام مرير مين هيحرر .. مين هيحرر ده الضفة الغربية؟؟ معنى هذا ان احنا بندي بقية فلسطين لليهود .. هل هذا هو المطلوب؟

ورغم هذا برضو بدي اقول ان الحل السلمي بعيد المنال؟؟ يعني لازم يكون فيه موقف دولي خطير .. مش قوتنا احنا الذاتية .. موقف دولي خطير يدفع امريكا الى انها تضغط على اسرائيل لان امريكا هي اللي في أيدها الموضوع .. اذا ارادت حصل .. تضغط على اسرائيل عشان تنسحب .. هذا هو الموضوع الحقيقة بوضوح .. لكن اسهل ..

القذافي: لكن انسحاب بدون مقابل ما اعتقد يحصل

جمال عبد الناصر: طب ما هم اليهود بيقولوا ان احنا هنسحب .. هندي حاجات مادية؟؟ قصاد كلام .. ما هو المقابل هيكون ايه هنا .. يعني ماذا تقصد المقابل .. الاعتراف باسرائيل؟؟

القذافي: والمقابل هذا ما يحصل هذا تفرضه في الدول الكبرى؟

جمال عبد الناصر: اللي هو ايه

القذافي: يفرضوه علينا فرضا اللي ..

جمال عبد الناصر: اللي هو ايه .. التنازل

القذافي: بس ما يكونش فيه جيش من القناة الشرق؟؟

جمال عبد الناصر: لا لا لن نقبل .. لا لا تستطيع ان تفرض .. ما انا قلت هذا الكلام امبارح .. لن نقبل

القذافي: ان اسرائيل تمر مع قناة السويس وتمر؟؟

جمال عبد الناصر: لا موجود في قرار في مجلس الامن ان اسرائيل هتمر في قناة السويس وهتمر في خليج العقبة؟؟ ده موضوع موجود .. ولكن موجود ايضا في مجلس الامن ان حل عادل لمشكلة

ة ا

للاجئين الفلسطينيين؟؟ وقرارات الامم المتحدة ..

القذافي: الضفة الغربية تكون منزوعة السلاح ..

جمال عبد الناصر: الضفة الغربية هناك .. انا .. لو انا الملك حسين هوافق؟؟ يعني .. لو انا من الملك حسين ويرجعوا لي الضفة الغربية؟؟ ويقولوا انهم يرجعوها بناسها؟؟ بحالها بالكلام ده منزوعة السلاح .. حوافق .. هيرجعها ازاى الملك حسين؟!

القذافي: الناس كيف يعودوا؟؟ الفلسطينيين كيف يعودوا؟ .. يعودوا زي العرب اللي الان تحت ال .. المناطق المحتلة بالضبط .. حيعاملوهم نفس المعاملة .. مافيش حد يعامل مرضيا .. يعني السلطة؟؟ بتعامل ناس واقعين تحت؟؟

جمال عبد الناصر: طيب .. ما انا موافقك على هذا؟؟ ما الحل .. هتقول انك .. ان حل

القذافي: الحل لما احنا نكون هو هذا تحدي مفروض علينا لابد ان نواجهه اييه .. لما احنا نزيل العدوان او ان العدوان يزيلنا لان احنا ما عندناش مقاومات البقاء .. وفي النهاية حالة الصدام مصري لهذا الشكل احنا بقول معركة مصيرية هي فعلا ...

جمال عبد الناصر: طب اذا كان في فرصه لازالة العدوان من مناطق 67 ليه اسببها ..

القذافي: هي يا ريت تزول زي ما احنا عاوزينها لكن حتزول بالحاجات اللي احنا حكينا عليها .. حيكون له مقابل .. والمقابل يفرض علينا فرض .. ولن يكون المقابل هدايا في؟؟

جمال عبد الناصر: طيب انا؟؟ انا ماشي معاك في هذا؟؟ المقابل اذا ما حصلش ده المقابل هيحصل ايه ..

القذافي: اذا بيحصل حرب يعني اذا الحرب مادام في حتمية من الان نعمل عليها ..

جمال عبد الناصر: املى .. حارب املى وهتجيب سلاح مين ..

القذافي: وهذا اللي كنا عشان نجتمع فيه اليوم .. وتتناقش فيه ..

جمال عبد الناصر: انا عارف

القذافي: كيف نحارب كيف اندمر ..

جمال عبد الناصر: واحارب ازاى؟ .. واسرائيل هتجيب سلاح مين؟ وانا هجيب فلوس مين؟..

طب .. يسيبونا نطلع احنا من المؤتمر .. نمشي احنا من المؤتمر .. واتفضلوا انتم اعملوا انتم والعراق وسوريا واليمن الجنوبية والجزائر ...

القذافي: يضحك

جمال عبد الناصر: والجزائر .. ما اليمن الجنوبية مطلعين بيان ان هم بيرفضوا قرار مجلس الامن .. والكفاح الى .. امبارح هم دول ..

جورج حبش .. احنا سيبونا .. احنا ناس استسلاميين وانهزاميين وكذا وحنا روح مؤتمر عايزين قتال وتحرير اللي عايزين قتال والتحرير
اتفضلوا

الجزائر عايزة قتال وتحرير اهلا .. انتم عايزين قتال وتحرير اتفضلو .. العراق عايزة قتال وتحرير وسوريا وجورج حبش وياسر عرفات وقحطان الشعبي ولا ما بعرفش ربيع .. سالم ربيع .. اتفضلوا واجتمعوا .. واحنا هنقاطع الاجتماعات كلها وحاربوا .. وانا مستعد اديكم 50 مليون جنيه عشان تحاربوا .. عايزين ايه اكثر من كده .. وحلوا عننا .. واحنا .. واحنا الانهزاميين ..

(صوت ضيف غير واضح)

جمال عبد الناصر: والله احنا نمشي المؤتمر .. وفوزي يبعد عن .. سيبونا احنا في جبهتنا الغربية وسيناء .. والباقيين كلهم يتفضلوا بتاعتهم ..

مقاطعة

جمال عبد الناصر: أكيد في الجبهة الشرقية .. وهناك .. والمساعدات اللي انا عايزها .. بس ما عدا .. ما عدا الناس .. مش مستعد ادي ناس .. اللي عايزينه من عندي اديه لكن ناس ما اقدرش .. لان ما الناس ايه كل واحد ده انا كل واحد انتم عارفين .. كل واحد بيبقى مشغول على ابنه وعلى اولاده .. هم بيخططوا دلوقتي مع ... عشان يعملوا انقلاب في الاردن .. يا ريت يا هم والفدائيين يا ريت الفدائيين ياخذوا المسؤولية في الاردن .. يعني طبعاً هيدخلوا في الصدام مع الملك حسين .. لكن اذا خدوا السلطة بيبقوا ناس بيقابلوا الحقيقة مسؤوليات قدامهم مسؤوليات هيجروا الضفة الغربية ازاى؟ .. يعني الحقيقة انا مشكلتي ان انا عايز احرر الضفة الغربية .. بنرجع الارض اللي فقدناها 67 وبعدين نبقى نشغل عشان نرجع الارض اللي فقدناها سنة 48 ... اما يقول لي دلوقتي يقولوا نرجع 67 و48 مرة واحدة... يا ما نرجعش ..

القذافي: هو تصور ان يعني استرجاع الارض التي فقدناها في 67 .. استرجاعها يخلق وضع لا يمكننا من استرجاع اي ارض بعديها ..

جمال عبد الناصر: سنة 49 ما احنا عملنا اتفاقية هدنة يا أخ معمور .. زي الكلام اللي اللي احنا بنقوله النهارده .. يعني اذا كان في عمل الحقيقة فدائي حقيقي زي اللي موجود

القذافي: لا ما فيش عمل فدائي

جمال عبد الناصر: عايزين احنا اللي نحارب .. احنا اللي نسترد

القذافي: (كلام غير واضح)

جمال عبد الناصر: احنا اللي هنسترد بتاع 48

القذافي: كلنا احنا العرب يعني ..للخطر هذانا

جمال عبد الناصر: امتي العرب يكونوا مستعدين يحاربوا يا أخ معمور

القذافي: ما هو احنا بتكلم عن استعدادات العرب

جمال عبد الناصر: بعد سنهات بعنه، مش بعد شهره .. المهضمة اصلا، حسابه بسيط .. عشان نهض، لتأ، اسب قصاص كا، الدهاء، الكبح،

وقصاڊ امريكا وقصاڊ روسيا وقصاڊ فرنسا وقصاڊ انجلترا وقصاڊ العالم كله .. اللي بيقل النهارده اسرائيل يجب ان تحتفظ بهذه الارض لان اسرائيل مهددة بالعدو

ان من العرب وان ده بيديها امن .. ده موقف دولي .. هتخارب الدنيا كلها في هذا .. الا

القذافي: وماله .. كان نخارب الدنيا كلها .. وخلص اذا احنا مش قادرين على البقعه

جمال عبد الناصر: لا والله اليهود اشطر منا .. اليهود خططوا على 25 سنة خدوا فلسطين كلها .. مش من 47 خدوا التقسيم و48 خدوا اكثر من التقسيم و56 خدوا سينها وضموها ورجعوها لنا ثاني و67 خدوا ... 56 ضموا سينا قرار من البرلمان و67 خدوا بقية فلسطين كلها وبيقولوا الجيل الجاي لازم نكمل ونأخذ من النيل الى الفرات .. احنا بتتصور برض كعرب كمان نقول يا نعمل النهارده يا نعمل دلوقتي يا يبقى ما فيش فايده... احنا بتقعد نخطط .. انا رايتي دلوقتي لو قدرنا نأخذ الجزء ده نخدوا بصرف النظر .. وبعدين بنخلق مواقف بنسترد الباقي .. لكن دلوقتي كنت هتحرر تل ابيب .. هتحرر كيف تحرر تل ابيب .. اليهود متفوقين علينا يعني احب اقول لك هذا .. متفوقين برا علينا ومتفوقين جو علينا .. رغم كل ما عملناه ورغم كل ما صرفناه... حتى في الدبابات متفوقين علينا .. في الطيران متفوقين علينا .. في المدفعية غيروا جميع المدفعية بتاعتهم الى مدفعية ذاتية الحركة .. انا مش مش بقول هذا الكلام لان انهزامي .. انا بقول ان احنا اذا كنا عايزين نحقق هدف لازم نكون واقعيين وهنحققه ازاي .. اذا كان تحقيقه

القذافي: احنا نحشد القوه العسكريه

جمال عبد الناصر: طب ما تحشدوا حد مانع حشد القوة... انا مانع حد انه يحشد قوته العسكريه .. انا منعت (الرئيس الجزائري) بومدين من انه يحشد قوته العسكريه؟ .. من 67 وهو قاعد يتكلم .. انا منعت العراق من انها تحشد قوتها العسكريه؟.. ما حدش منع حد .. فين .. ما هم قوتين عسكريتين اللي ممكن يحشدوا هم العراق وهم وال ممكن يصرفوا ويعملوا دلوقتي .. يعني ايه احشد هذه القوات .. ادونة 16 طيارة .. انا مش عايز طيارات .. انا انا قلت لبومدين أنا مش عايز طيارات .. قلت له في الاجتماع انا عايز طيارين ... لان انا في في مؤتمر الرباط قلت لهم انا عايز فلوس وعايز طيارين... عايز فلوس اشتري اسلح عندي تعاقدات ادفع 25 مليون .. وعندي طيارات عايز لها طيارين قال ما بيقدر يديني الطيارين .. ما رحنا بعد كده الاتحاد السوفيتي ادونا الطيارين .. الطائرات اللي هي الميج 21 اللي هي اف 13 اللي .. هم قالوا هيدونا 40 ادونا 16 ... انت عارف احنا خسرانين كم طياره من ... انا ايه قلت لك .. من ال من 67 ها .. 102 في التدريب وفي المعركة...

هو في استنزاف من جانب واحد ما فيش استنزاف من جانب واحد ابدأ يا أخ معمّر؟.. لا في في استنزاف .. واستنزاف مضاد ... انا اما اجي استنزفك النهارده ... انا انا جارك اما اجي استنزفك ... انت كمان لازم على طول تقول انك هتستنزفني .. احنا ما اخدنا قرار الاستنزاف عارفين ان اليهود حيعملوا لنا استنزاف مضاد وقعدنا حسبنا وقلنا ان احنا نقبل في الاستنزاف المضاد الى الاتي ... 10 مصريين قصاڊ عسكري نخرج ... وده معناه احنا كسبانين ... لو نموت واحد يهودي هم حيموتولنا 10 مصريين راضيين بهذا ... يعني ما اظنش حد في الدنيا بيضحي بهذا الشكل ... لكن كان ممكن اقعد زي العراقيين وما فيهاش وقفه اطلاق نار ... وهم يعني كلهم اشتكوا من ال القتلى اللي حصلوا عدد القتلى والجرحى في جبهة القناة .. يعني ايه الحقيقة العملية الكلام قد يكون الكلام سهل جدا ... وان احنا نحشد قوتنا سهل جدا .. وان احنا واحنا من سنه 48 بتتكلم في هذا الكلام ... من سنه 52 يعني انا مش اول مره ما حد حشد ولا حد عمل ولا حد سوى ... يعني انا عندي اقتراح الحقيقة و تروحوا بغداد يمكن يبسط العراقيين ا وجربوا... احنا بنبعد عن العمليه ... سيبونا احنا بتوع الحل السلمي الاستسلامي... وانا قادر ان انا يعني اتحمل هذا وضميري مرتاح .. اتفضلوا الناس اللي عايزين يحاربوا .. سوريا عايزة تخارب ... واسمه ايه ده ياسر عرفات وجورج حبش ونايف الحواتمة تجيبوهم واحمد حسن تجبوه وسالم ربيع تجبوه .. وانتم عايزين تقاتلوا .. وتروحوا ايضا الجزائر تجيب بومدين يجي يقاتل ... واحنا احنا مش انتوا بتقولوا دي معركه عربيه ومش فاهم لا يحق لاي واحد ... احنا لن نتصرف في اي شيء واحنا هنتفق مع في الاتفاق مع (يارنج) نتكلم على سيناء بس... ليس لنا دخل في القضية الفلسطينية ... ولا في الحدود الآمنة .. ولا في اي شيء .. هنتكلم عن سيناء بس اتفضلوا هم يمشوا من سيناء والحدود ... مش عايز اتفاق .. لان هم بيقولوا ان مالهمش مشاكل معاه .. وا يشتغلوا .. المساعدة اللي انتم عايزينها منا احنا مستعدين نقدمها ... يعني ايه ... القاه في اليم وقال له اياك اياك ان تبثلى بالماء ... يعني تمسكونا وترمونا في البحر وتقولوا لنا ما تتبلوش ... يعني مين يقبل ا يعني ... ما هو دلوقتي الموقف بهذا الشكل يعني ... القاه في اليم وقال له اياك اياك ان تبثل بالماء ... احنا الوحيد اللي بنحارب وبتقولوا لنا اتفضلوا حربوا... وتحاربوا اليهود ويضربوا فيكم بس انتوا يا احنا كمان نحاربكم مع اليهود هو ا ... يعني ده اقتراح بتروح بيه بغداد .. وبغداد

انتوا ادبتوهم فرصة بالمؤتمر .. الحقيقة .. انهم يطلعوا بيانهم امبارح .. ومع مروحك لبغداد حيديهم فرصة ثانية .. وانا مش هسيبهم برضة .. لان هرد عليهم اكثر واكثر ... يعني بعد ما تروح هيقولوا اي كلام ان انك رحت وانهم هم مش فاهم عملوا ايه واياه وحينغزونا ومش حسيبهم... يعني وانا ... الحقيقة... يعني لازم هشتغل ضدكم .. وانا بشتغل ضدكم

القذافي: انا اول واحد ما ما نحب الموقف الجامد اللي في المنطقة العربية ولقاء المتناقضات والصف العربي

<https://x.com/ZaidBenjamin5/status/1916678789964399014>